

东里志

东里志

一九九〇年十月

饶平县地方志编纂委员会办公室

汕头市地方志编纂委员会办公室

印行

东 里 志

广东省汕头市非营利性出版物准印证

汕非出字第1—006号

印行前言

潮汕素称人文昌盛，有重视纂修方志的传统。虽经累代散失，现存府、县志及各种专志尚有数十种，为后人留下弥足珍贵的地方文献资料。在这些流传下来的旧志中，《东里志》可谓颇具特色。它以志饶平东南一隅之东里为主旨，但笔墨不囿于一乡一都，而广及于闽粤毗邻之沿海及海域诸岛，不仅全面记述地理沿革人文风物，也详记滨海气象灾异和海防境事。由于它资料丰富，为后来编修潮州府志多次借鉴和引录。这部志书是明嘉靖赐进士出身的东里人陈天资于万历二年（一五七四年）修撰，盖当地人志当地事，笔下自有亲历亲闻之真切感，多些外地人难知难寻之典实。可惜《东里志》修成后未曾刊印，且原稿散失，只有私家抄本传世，后又经增删，错漏不少。前年，王琳乾同志根据两部不全的传抄本，归并、辑订、点校、重抄，誊印数百部供修志等有关部门参考，书完而求索者不绝。为应各方要求，再由王琳乾同志重加勘校，电脑排字印行。希望这个印本，对方志工作者及喜爱潮汕历史文献的各方面读者有所帮助。

序

尝读孔子曰：吾欲观夏道，是故之杞而不足徵也；欲观殷道，是故之宋而不足徵也。夫夏殷之道，其所以经书弥纶于天下者，璨如日星，虽垂诸千百世而可昭然也。乃至孔子而叹其无徵者，亦以文献之不足故，欲稽而无从耳。是则典籍之存没，系于世道亦大矣。此固郡邑之所由志也。东里之在潮郡，虽云僻处一隅，也其间疆域之延袤，山川之灵毓，人文之宣朗，国赋之萃聚，科目贤才辈出于是，兵防城守森立于是，盖自辟壤以来，有声东广旧矣。然气运推迁，而盛衰之势迭异。古今代谢，而前献之迹遂湮。故无徵之可叹，不但如杞如宋已也。姑举一二言之。大埕有学士陈姓者，或曰西河陈氏之祖也，或曰巷内陈氏之祖也。今二氏之子孙尚存，讯以名字宦履，皆不知矣。上里有郡守张氏者，洪武初，方首户系籍于海阳，不再传而子孙微矣。余尝见其首垦田段册，及奉祀神牌，皆题曰：「福惠二郡太守」，而其名则忘之也。大港牛募洋有吴郡马墓，荒址徒存，而尚主之征称莫着。神前鲤鱼山有将军冢，翁仲卧荆棘，而将军之名姓无传。近日雨陷东山，牧竖误落其中，则见空圻无物，四壁皆砖，纪兴和二年。考史，兴和乃东魏孝静帝年号，其二年庚申，则梁武帝大同六年也，是时潮已属梁，更曰瀛州，

乃兴和之纪，不审谓何？其他残碣断坑，不可考如此类者尚多。昔人云：人生于数十年之后，前事皆茫然，或得之传闻，已非其实。数十年且然，况历数百年者乎。故才名如李白，已迷生长之乡，而去其籍焉。虽孟子于周室班爵禄之详，犹不可得闻。则夫载籍之无纪，东里故实之不彰，奚怪哉！士君子生于其乡，睹前哲泯于无传，山川郁而不光，吊古兴悲，高山仰止之怀，宁能无介然于中者乎。且旧谓东里，家诗书而户礼乐，务本力穡，其俗朴，其民淳，有三代遗风焉。逐年以来，习尚颇异，然流风犹有存焉。顷自倭寇乱残，恶少不能忍饥馁之窘，或恣睢以饶旦夕之命，奸人肆雌黄之口，遂鼓簧于玉石俱焚之议，吠声鬻于众狺，讹言彻于上闻，东里几为邱墟矣。夫恶少不简，诚为可诛。然旧家彦士，守法如故，一二鼠窃之徒，挠之，不过责土豪以尺素耳，固未有结寨拒命，侵夺官税，攻陷城堡，如下浚、南洋、上饶等贼之犷戾者，又安用好功轻逞，草菅人命为也。求其故，亦以载之无稽，遂信其地真如长林丰草之鹿豕，可果于禽搜而草薶者，若使简编俱存，易于披阅，则见其疆域山川如是，人才文物如是，兵防国赋，前哲往迹又如是，安得不蹙然动而翻然思耶。故欲信今传后，媿俗章美，非志不可也。余于是乃谋诸教授吴少松、周时庵，相与采辑旧闻，搜罗遗逸，探岩谷以寻幽，

步海堧而追胜，求文翰于世家，询传闻于故老，胪分区别，纂为东里志，庶以备观风者之采择，亦使后来者有所观感而惩创，还淳风于古初，企前哲之芳躅，俾海滨邹鲁，不独专美于前，而于风化可为万一之助焉耳。固知僭罔之罪，不能自逃，然维风救弊之衷，也可谅也。览此志者，其有感也夫。

万历二年岁次甲戌冬十一月朔日书于茂林真乐园。

赐进士出身、钦选户部主事、兵部郎中、叙州府知府、辽东道监察御史、湖广左布政使司里人石冈陈天资撰。

后序

堪輿言，冈萃而水环者，气钟也。余东里镇山，自楚粤逾闽汀，逶迤入界，凤翔而下，为潮之左臂。尖峰叠嶂，大海环带，河流会其西，澳山屏其南，钟山映其东，絮长补短，方数十里，累累乎千室之邑，彬彬乎文物之乡，有声于郡旧矣。大抵山川之精英，与气运相为低昂，方其风气渐开，人文渐著，天付斯文，而山川增色，孰主张是，孰隆施是。意者其有机缄而不能已乎。及其风气既开，人文既著，则兴起斯文者，非天也，人也。自东里志之所能识，迄于今豪杰之生于我

里者不数，而能兴起斯文为已任者，若曹宗道之善课多士，陈子旂之笃志力行，周舜中之博学清修，一时人士，翕然宗之，家诗书而户秉礼乐，亚邹鲁矣。居是里者，士无僇佼之风，女无匪僻之行，长幼尊卑，以礼序也，亲戚急难，以谊劝也，父兄之教，子弟之学，不为浮词剿说，以实胜也，非先民之遗风乎。先民之教衰，倭夷蹂践，四民废业，盖地本斥卤，而幅员素逼也。益之以夷祸，而为善之资益寡矣。士之卓然自立者几何哉。则主张斯文以辉煌吾里者，非吾党之责乎。乃石冈陈先生与少松吴君，慨吾里之文献无征也，稽实哀闻，分门别类，共为之志。而形胜财赋，人才风俗，与夫沿革，措置宛然，一邦规模，苟留心民事者，一展卷焉，宁不可以兴乎。昔崔兴之作《中洲志》，近世甘泉湛先生续其书，及黄泰泉先生修全广志，取以参据。中洲，亦里也，有名贤以表彰，则里仁为美，有后贤为羽翼，则爱而可传，今之志东里者，宁无望于后人乎。天付以文，地钟以文，先贤兴起乎前，吾与二三先生与今日有志之士，固后死之与于斯文者也。然则后之视今，亦犹今之视昔。诸君子相与励志力行，用昔日之忠，祛今日之弊，以从先进之文，上以光二先生倡率之志，中以副二先生羽翼之心，下以开后世俊杰之贤，使后人之续是志者，视今之简编，益烂熳焉。则志者之心以慰，而守元

亦与有荣焉。夫风气之开，人文之著，固必有所由兴。吴之文也以子游，蜀之文也以文翁。山川之巨细不同，而所由兴起者则一，吾愿吾里斯文，自今日兴之也。乡进士岳州通判东里龙湾人健庵刘守元撰。

东里志目录

沿革纪

疆域志

界至 气候 形胜 山川 水利 澳屿 潮汐 海报 海汛 村落 市坊

铺递 桥梁 津渡 古迹 祠庙 坟墓 异迹

境事志

寇盗 灾异

风俗志

礼仪 冠礼 婚礼 丧礼 祭礼 俗节 乡约 乡饮 社祭 乡厉 义阡

学校志

社学 县学 生员

人物志

辟荐 科第 乡贤 寓贤 孝友 贞烈 橡考 廕封

物产志

盐 谷 果 木 花 草 竹 药 禽 兽 鳞 介 虫 (附公移文)

艺文志

序 记 铭 论 文 议 赋

东里志卷一目录

沿革纪

疆域志

界至 气候 形胜 山川 水利 澳屿 潮汐 海报 海汛 村落 坊市

铺递 桥梁 津渡 古迹 祠庙 坟墓 异迹

沿革紀

先王建国，以奠万邦，度山川，辨风土，酌道里，画野分州，昭域示界，凡以囿民而式于治，九有有截焉。唐虞三代之制，昭然可观，降及后代，世祚轍易，疆土变迁，争并分合，称名殊旧。沿革之迹，载于简编者，可考而知也。潮地自秦始入中国，初属南海，晋分属于东官，既分郡而为义安，海阳为义安附郭邑，东里隶焉。历唐而宋，未有之改也。我大明成化间，始拆而隶饶平。虽云僻处一隅，而衣冠望族，称间右者凡几，贤才间有出者，屹然而一巨镇也。乃今岁更寇变，乡民徙死，间里萧条，一望凄然。加以赋役烦重，民生困瘁，良可慨矣，安集休养，端于在位君子，有厚望焉。作沿革纪。

按府志，潮州为禹贡扬州之域，春秋时为扬越。枫山章氏曰，岭南在三代时，未入职方，今不可考。附记。

秦始皇三十三年，平百越以为三郡。秦并六国，分天下为三十六郡，郡置守尉监。越在岭峽陆梁，遣任嚣、赵佗击平之，置桂林、象郡、南海三郡，潮为南海郡东揭阳地。裴渊广州记云，秦守五岭，揭阳其一也。潮地入中国始此分服至今。

汉武帝元鼎六年，复平南越以为九郡。先是秦平南越，置郡未凡，陈胜等起兵，

豪杰叛秦相攻，越地为赵佗所据，三郡遂失，盖几百年，至是因吕嘉之乱，遣卫尉路博德、都尉杨仆将兵诛灭之。揭阳令史定等，以其地降。于是置为南海、苍梧、郁林、合浦、交址、九真、日南七郡，寻开儋耳、珠崖为九郡云（出汉书）。按，揭阳今潮郡治也，王莽时更为南海亭，东汉更为揭阳城。据此，则潮州属于南海郡矣。

晋武帝太康三年，置南康郡（今赣州）。

南康郡统领赣、雩、平、固与揭阳五县，属扬州。及惠帝时，有司复奏荆、扬二州，疆土广远，难以统理。于是割扬之豫章、南康七郡，荆之武昌等三郡，合十郡而置江州焉（江州即今九江）。按此，则潮又属南康郡矣。

晋成帝咸和六年，分南海为东官郡，统兴宁、海阳、海丰、揭阳，东官治保安（今东莞县）。

按潮本揭阳地，秦汉俱属南海，晋割隶南康，复改隶东官，自是与南海分矣。晋安帝隆安元年，春正月，拆东官揭阳立义安郡，统绥安（今漳浦县）、海宁（今龙溪县）、昭义（今大埔县）、潮阳、海阳。按潮州至是始升为义安郡，自此与东官分矣。刘宋时，分义安为左郡。

梁武帝天监年间，即义安郡置东扬州，寻改为瀛州（潮称瀛州本此）。

隋文帝开皇十年，拆海宁置龙溪，改瀛州曰潮州。潮州之名不易，至于今矣。

隋炀帝大业三年，复以潮州为义安郡。

是年度诸州为总管府，改州为郡，复以潮州为义安郡，废绥安置程乡，改义招为

万川县，海阳如故（出隋书）。

唐高祖武德四年，改义安郡为潮州。

是年平萧铣，命李靖安抚岭南，始置广州总管府，以领军戎。明年改龙川县为循

州总管府，管循、潮二州，七年改总管府为大都督。

唐太宗贞观二年，省循州都督府，以循州、潮州二州隶广州。十年分天下为十道，

潮州隶岭南道。

唐高宗垂拱二年，岭南行军总管陈元光，请建一州于潮、泉之交，即绥安旧镇为

漳州，据此则潮州又分为漳州矣。

唐玄宗开元二十一年，又分天下为十五道，置福建经略使，并辖潮阳。明年又以

潮阳属岭南道。天宝元年，又改潮州为潮阳郡，复隶福建。九年仍隶岭南道，海

阳如故。

唐肃宗乾元元年，又改潮阳郡为潮州。三年，梁朱温乱，刘岩击取潮、韶二州，下之。岩乃节度使刘隐之弟，封州刺史刘谦之季子也。隐乘朱温之乱，据有岭南。岩席其余威，杀唐置吏，自立为帝，国号南汉。当时惟潮、韶二州未服，乃击而取之。按此，则潮州为南汉所据矣。

宋太祖开宝四年，平岭南。是年得广、韶、潮、循、封、端、英、连、雄、恭、惠、康等六十州，凡二百一十四县。海阳如故（出文献通考）。

宋太宗至道三年，分天下为十五路，寻增二路，共十七路，潮州隶广南东路。其后复拆海阳、潮阳，增置揭阳云。

元世祖忽必烈至元十七年，改潮州为潮州路，置总管府。

元顺帝妥欢帖睦尔至正二十七年，潮州路率属归附。

明太祖高皇帝洪武二年，改潮州为潮州府，统海阳、潮阳、揭阳、程乡四县，隶广东行省中书省。九年改行省为承宣布政司。潮隶如故。海阳自置义安郡以来，无所更革，东里则统于海阳矣。

洪武二十六年，置水寨，兼哨柘林。

洪武二十七年，置大城守御千户所。

盖自元伐日本无功，南人被留于其地者，以数万计。自是习熟海道，寻寇海滨。自澄莱至广惠千余里，咸被其害。至是命安陆侯吴杰督率武职于沿海以总备，仍置寨建所，于是有东院之水寨，柘林之东路，而大城所也因以建置焉。

宪宗纯皇帝成化十四年，置饶平县于弦歌都。三饶依山阻水，与汀、漳邻，不逞之徒，哨聚为乱。两广都御史朱英，因前御史吴琛疏请建县，乃拆海阳弦歌、宣化、信宁、隆眼城、浚州、清远、苏湾、秋溪八都，即上饶地建立县治，名曰饶平。宣化都分为上下，东里为下宣化云。

孝宗敬皇帝弘治九年，设岭东兵巡道于长乐，东里隶焉。正统中，分惠、潮二府为岭东道，以按察司一员巡其地。至是设兵备于长乐，兼分巡。正德中，金事胡恩，于长乐置建公署。至嘉靖元年，金事施儒，乃增广城池，召募勇壮，定居守计。后尤英继之，缮堞浚防，雄甲西南，岿然一方重镇。迨因海寇猖獗，议改为海防兵备兼分巡，移镇潮州云。

世宗肃皇帝嘉靖四年，置大埔县。

饶平所统添、清之民，恃其险远，负固梗乱。正德末，益肆猖獗，屡掠近地，白垵、胡寮、大乡为甚。巡抚御史熊兰，因乡官饶金等呈议，奏增县治，以弹压之。